

AUGLÝSING

um breytingu á aðalskipulagi Stykkishólms 2002-2022, Aðalgata.

Samkvæmt 19. gr. skipulags- og byggingarlaga nr. 73/1997 hefur ráðherra þann 7. október 2003 staðfest breytingu á aðalskipulagi Stykkishólms 2002-2022 frá 9. júlí 2002.

Breytingin felst í að svæði við vestanverða Aðalgötu, opið svæði til sérstakra nota, verður svæði/lóð fyrir íbúðarbyggð.

Uppdrátturinn hefur hlotið þá meðferð sem skipulags- og byggingarlög mæla fyrir um og samþykki bæjarstjórnar Stykkishólmsbæjar. Skipulagsstofnun hefur afgreitt erindið til staðfestingar.

Breytingin öðlast þegar gildi.

Umhverfissráðuneytinu, 7. október 2003.

F. h. r.

Magnús Jóhannesson.

Ingibjörg Halldórsdóttir.

SKIPULAGSSKRÁ

Þórbergssseturs

(sjálfseignarstofnun án reksturs).

1. gr.

Stofnendur.

Ingibjörg Zophoníasardóttir, kt. 220823-3699, Fjölnir Torfason, kt. 011052-2749, Þorbjörg Arnórsdóttir, kt. 151153-3219, Steinþór Torfason, kt. 290248-2219, Ólöf Guðmundsdóttir, kt. 150852-4129, Sveitarfélagið Hornafjörður, kt. 590169-4639 og Menningarmiðstöð Hornafjarðar, kt. 550992-2489, stofna hér með sjálfseignarstofnunina *Þórbergsssetur*. Aðrir sem gerast stofnaðilar innan árs frá stofnun sjálfseignarstofnunarinnar teljast einnig til stofnenda. Heimili og varnarþing er í Sveitarfélaginu Hornafirði. Stofnunin ein ber ábyrgð á skuldbindingum sínum með öllum eignum sínum. Hún er að öllu leyti sjálfstæð.

2. gr.

Stofnfé.

Stofnendur leggja fram stofnframlög til Þórbergssseturs. Stofnframlög stofnenda eru Ingibjörg Zophoníasardóttir kr. 10.000, Fjölnir Torfason kr. 250.000, Þorbjörg Arnórsdóttir kr. 250.000, Steinþór Torfason kr. 50.000, Ólöf Guðmundsdóttir kr. 50.000, Menningarmiðstöð Hornafjarðar kr. 10.000 og afrit af skjölum og Sveitarfélagið Hornafjörður kr. 50.000. Auk þess munu stofnendur leggja fram ýmsa muni og eignir sem tengjast fjölskyldu Þórbergs og vinnu og faglegan stuðning við verkefnið. Af stofnfé varðveitist á nügildandi verðlagi kr. 581.000 sem óskerðanlegur höfuðstóll. Stofnfé skal ávaxta með tryggilegum hætti.

3. gr.

Tilgangur og starfsemi.

Tilgangur Þórbergssseturs er meðal annars að:

Efla rannsóknir og umfjöllun um ævi, störf og ritverk Þórbergs Þórðarsonar rithöfundar frá Hala í Suðursveit.

Efla fræðastörf er tengjast söfnun, varðveislu og skráningu menningarminja í Suðursveit og síðar Austur Skaftafellssýslu.

Miðla þekkingu á fjölbreyttan hátt og standa fyrir fræðslu til ferðamanna og almennings um Þórberg Þórðarson, sögu og mannlíf í Austur Skaftafellssýslu

4. gr.

Stjórn.

Stjórn Þórbergssseturs skal skipuð fimm mönnum og fimm til vara. Tveir eru tilnefndir af ábúendum á Breiðabólssstað 3-4 Hala, þeim Fjölni Torfasyni, Þorbjörgu Arnórsdóttur, Steinþóri Torfasyni, Ólöfu Guðmundsdóttur og Ingibjörgu Zophoníasardóttur, einn tilnefndur af Menningarmiðstöð Hornafjarðar, einn tilnefndur af heimspekideild Háskóla Íslands að beiðni stofnenda og einn af Rithöfundasambandi Íslands að beiðni stofnenda. Varamenn skulu tilnefndir með sama hætti. Stjórnin skiptir með sér verkum. Stjórnarmenn sitja ótímabundið í stjórn nema þeir aðilar sem tilnefna þá ákveði annað. Segi stjórnarmaður sig úr stjórn skal sá aðili sem tilnefndi viðkomandi stjórnarmann tilnefna nýjan í hans stað. Fyrstu stjórn Þórbergssseturs skipa Fjölur Torfasyni, Steinþór Torfasyni, Gísli Sverrir Árnason, Bergljót Kristjánsdóttir og Pétur Gunnarsson.

Formanni stjórnar er skylt að boða fund ef a.m.k. tveir stjórnarmenn krefjast þess. Á fundum stjórnar ræður einfaldur meirihluti atkvæða úrslitum. Enga mikilvæga ákvörðun má taka fyrir hönd stofnunarinnar nema stjórn sé fullskipuð. Það sem gerist á fundum stjórnar skal færa til bókar.

5. gr.

Starfssvið stjórnar.

Stjórn Þórbergssseturs fer með æðsta vald þess, mótar stefnu og starfstilhögun þess, vinnur að markmiðum þess skv. 3. gr., setur því starfsreglur og kemur fram fyrir hönd þess, m.a. gagnvart þeim sem veita því fjárhagslegan stuðning og ber ábyrgð á fjárvörslu.

Stjórnin hefur heimild til að skipa nefndir um sérstök verkefni. Stjórnin skal kalla stofnaðila saman til fundar árlega. Boða skal fundi með a.m.k. viku fyrirvara.

6. gr.

Framkvæmdastjóri.

Stjórn Þórbergssseturs ræður framkvæmdastjóra Þórbergssseturs, sem annast daglegan rekstur og setur honum erindisbréf. Framkvæmdastjóri ber ábyrgð gagnvart stjórn. Framkvæmdastjórinn vinnur að framgangi þeirra mála sem getið er um í 3. gr., svo og því sem stjórnin setur honum fyrir hverju sinni.

Framkvæmdastjóri skal árlega í mars leggja eftirfarandi gögn fyrir stjórn Þórbergssseturs til afgreiðslu:

- Skýrslu um starfsemi síðasta árs.
- Endurskoðaðan ársreikning liðins starfsárs. Reikningar skulu endurskoðaðir af lög-giltum endurskoðanda.
- Fjárhagsáætlun fyrir næsta starfsár.

7. gr.

Samstarfsaðilar.

Stjórn og framkvæmdastjóri leiti eftir faglegum samstarfsaðilum til að koma að starfsemi Þórbergssseturs, fá faglega ráðgjöf og taka þátt í uppbyggingu fræðilegs starfs.

8. gr.

Reikningshald.

Reikningsár Þórbergssseturs er frá 1. janúar til 31. desember ár hvert.

Endurskoðaðir reikningar skulu sendir Ríkisendurskoðun eigi síðar en 30. júní ár hvert fyrir næstliðið ár ásamt skýrslu um hvernig fé stofnunarinnar hefur verið ráðstafað á því ári. Um reikningshald fer að lögum nr. 19/1988 um sjóði og stofnanir sem starfa samkvæmt staðfestri skipulagsskrá, nr. 145/1994 og nr. 144/1994 eftir því sem við á.

9. gr.

Fjáröflun.

Stofnunin veitir viðtöku styrkjum og öðrum fjárframlögum til starfsemi sinnar. Henni er heimilt að taka lán til sérstakra verkefna.

10. gr.

Ráðstöfun eigna.

Stjórn stofnunarinnar má ráðstafa tekjum og eignum hennar til málefna sem tengjast megintilgangi Þórbergssseturs sbr. 3. gr.

Fasteignir Þórbergssseturs má ekki selja eða veðsetja nema að fengnu samþykki dómsmálaráðherra.

11. gr.

Breytingar á skipulagsskrá.

Skipulagsskrá þessari verður aðeins breytt með samþykki 2/3 hluta stjórnar. Skulu breytingar hljóta staðfestingu dómsmálaráðherra.

12. gr.

Slit stofnunarinnar.

Þórbergsssetri verður aðeins slitið með ákvörðun 2/3 hluta stjórnar. Leita skal samþykkis dómsmálaráðherra fyrir slitunum.

Verði starfsemi Þórbergssseturs hætt og það lagt niður skal eigum þess varið til eflingar atvinnulífs og menningarstarfsemi samkvæmt markmiðum 3. gr. og í samráði við Menningarmiðstöð Hornafjarðar.

13. gr.

Breytingar á formi stofnunarinnar.

Stjórn stofnunarinnar getur ákveðið að breyta formi hennar þannig að henni sé heimilt að stunda rekstur skv. lögum nr. 33/1999 og að gera nauðsynlegar breytingar á stofnskrá þessari svo hún uppfylli ákvæði þeirra laga.

14. gr.

Staðfesting.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 3. október 2003.

F. h. r.

Drífa Pálsdóttir.

Bryndís Helgadóttir.

GJALDSKRÁ

Hitaveitu Egilsstaða og Fella.

1. gr.

Hitaveita Egilsstaða og Fella selur afnot af heitu vatni úr veitukerfum sem gerð hafa verið og verða gerð á veitusvæði hitaveitunnar eftir þeim reglum sem settar eru í gjaldskrá þessari sbr. reglugerð um hitaveitu og hitalagnir Hitaveitu Egilsstaða og Fella.

2. gr.

Hitaveita Egilsstaða og Fella lætur hverju húsi sem tengt er veitukerfi hennar í té vatnsmagn til neysluvatnsnota og upphitunar enda fullnægi hitakerfi hússins skilyrðum, sem sett eru í reglugerð fyrir Hitaveitu Egilsstaða og Fella og hitaflatir séu nægjanlega stórir að dómi hitaveitunnar.

Einnig selur hitaveitan afnot af heitu vatni til annarra nota en hitunar og neysluvatnsnota eftir því sem vatnsmagn leyfir og hún telur henta.

3. gr.

Hitaveita Egilsstaða og Fella lætur notanda í té vatnsmagn samkvæmt 1. og 2. gr. um rennismæli sem hitaveitan leggur til og annast viðhald á. Mælir þessi skal innsiglaður og er húseiganda/notanda með öllu óheimilt að rjúfa innsigli mælisins.

4. gr.

Gjald fyrir afnot af heita vatninu er sem hér segir:

Heitt vatn um rennismæli:

- | | |
|--------------------------------------|---------|
| 1. Fyrir hvern rúmmetra vatns | kr. 77 |
| 2. Hver rúmmetri vatns frá kyndistöð | kr. 126 |
| 3. Afgreiðslugjald frá kyndistöð | kr. 770 |

Fast gjald er háð afköstum rennismælisins, en óháð töxtum að öðru leyti.

Því er skipt í fjóra flokka.

A: 15 mm	7.753 kr./ár
B: 20 mm til 25 mm	17.490 kr./ár
C: 32 mm til 50 mm	36.820 kr./ár
D: 65 mm og stærri	51.265 kr./ár

5. gr.

Pegar afnot af hitaveitunni eru leyfð til annarra nota en húshitunar, er veitunni heimilt að ákveða gjald fyrir slík afnot sérstaklega í hverju tilviki með hliðsjón af gjaldskrá þessari.